

### **Ilanngussaq 3: Qilalukkat qaqortanut piniarfiit killeqarfiinut nassuiaatit**

*Piniarfiit killeqarfii Inatsisartut inatsisigisimasaanni nr. 11, 30. oktober 1998-imeersumi Nunatsinni nunat immikkoortuinut aamma kommunit agguataarneri kingusinnerusukkut allanngortinneqarsimasut ilaatigut malippai, kiisalu Danmarkip nunanut allanut ministeriaqarfiata aammalu USA-p Danmarkimi aallartitaata 2003-mi allakkiaat naapertorlugu aalajangersagaapput.*

*Naalisagaq "EEZ" imatut paasineqassaaq imartat Kalaallit Nunaata aningaasaqarniarnikkut immikkut oqartussaaffigisaasa kingusinnerusukkut allanngortinneqarsimasut Statsministeriaqarfiup nalunaarutaani aalajangersarneqarsimasut.*

### **Piniarfiit killeqarfii imm. 1-3-mi aalajangersarneqarput:**

**Imm. 1: Piniarfik Qaanaaq (Zone 1):** Piniarfiup taassuma killeqarfigai Petermann Gletscherip qeqqaniit EEZ killinga nunap eqqissisimatitamiit Kennedy Kanaali imartap nunatta aningaasarsiornikkut oqartussaaffiata killeqarfii avannarpasissutsimi N 81°26' kippasissusermilu W 63°44'-imiittut. kiisalu kujammut Serfarmiut Nuuat (Kap York) Qimusseriarsuarmiittoq. Tassannga kujammut killeqarfigaa avannarpasissuseq N 75°47' kippasissuseq W 66°08' taavalu kujammut kimmut EEZ killinganut avannarpasissuseq N 74°44' kippasissuseq W 72°51'-imut.

**Imm. 2: Piniarfik Nunatta Kitaa (Zone 2):** Taassuma killeqarfigai Avannamut kangimut Qaanaap piniarfiata killeqarfia. Kujammut kangimut killeqarfigaa Ammassaliup Nanortallillu kommunitoqaasa killeqarfiat Kangerlussuatsiap (Lindenow Fjord) qeqqatigut avannarpasissuseq N 60°23' kippasissuserlu W 43°03'-imiittoq kiisalu kujammut kangimut EEZ killinga avannarpasissuseq N 58°48' kippasissuserlu W 36°58'-miittumut atanilik.

**Imm. 3: Piniarfik Tunu (Zone 3):** Taassuma killeqarfigai avannamut Kalaallit Nunaata avannaarsuani kangianilu Nuna Allanngutsaaliugaq kangimut Kap Biot avannarpasissuseq N 71°52' kippasissuserlu W 12°46'-miittoq kiisalu kujammut kangimut EEZ killinga avannarpasissuseq N 67°21' kippasissuserlu W 25°42'-imiittoq. Taassumap Kujammut killigaa Kangerlussuatsiap qeqqa (Lindenow fjord) kippasissuseq N 60°23' W 43°03' kujammut kangimullu killigaa EEZ kippasissuseq N 58°48' W 36°58'-imiittoq.

*Agguataarinerit avataanni Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. 15, 5. december 2008-meersoq naapertorlugu makku atorneqassapput:*

**Imm. 4:** Pituffik (Thule Air Base) Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu.

**Imm. 5:** Tunup Avannaarsuani Nuna Allanngutsaaliugaq, Kalaallit Nunaanni pinngortitamik allanngutsaaliuineq pillugu Inatsisartut inatsisaata allannguutaa pillugu Inatsisartut inatsisaat

nr. 15 ulloq 9. november 1988-imeersoq kiisalu Kalaallit Nunaata avannaarsuani kangianilu Nuna Allannngutsaaliugassatut Immikkoortitaq pillugu Namminersornerullutik Oqartussat nalunaarutaat nr. 7, 17. juni 1992-imeersoq naapertorlugit killeqarfiligaq.

